

嗣宋樓藏書源流攷



汾陽王君太倉以武進書
授經上虞羅君叔韞刻書
汕霖持以見贈

丁未十月島西翰

百書

宋源

樓流

藏攷

曹廣權題

光緒	丁未	六
月刊	於京師	

百宋樓藏書源流攷題詞

汾陽 王儀通 志盒

明治三十一年三月九日
高田早苗氏寄贈



意輕疏雨陋芳椒賓客文章下筆驕割取
書城歸舶載蘋風悽絕駱駝橋

李宗蓮百宋樓藏書志序盛稱潛園先
生求書之勤謂乾嘉間石冢嚴氏芳椒
堂南潯劉氏疏雨山房皆以藏書名嘗
見二家書目著錄寥寥豈足與先生比

長絜短雖大言蓋實錄也

儀顧堂前子弟佳一家志趣尚難諧清風
輝映吳興錄晉石厂承廸進齋

歸安姚彥侍方伯名覲元罷官後寓蘇
州蕭家巷公子慰祖字公蓼父子皆好
藏書方伯刻廸進齋叢書公蓼別刻晉
石厂叢書

丁董羅陳嗜好偏書亡同損一宵眠重思

獻縣違心語泡影山河祇偶然

叔雅授經叔韞士可皆有書癖聞信相
告束手而已紀文達言趙清常歿子孫
鬻其遺書武康山中白晝鬼哭何所見
之不達耶大地山河佛以為泡影區區
者復何足云我百年後儻圖書器玩散
落人間使賞鑒家指點摩挲曰此紀曉
嵐故物是亦佳話何所恨哉語最曠達

然文達又言嘗見媒媼攜玉佩數事云
某公家求售外裏殘紙乃北宋繫公羊
傳四葉為惆悵久之則仍未能達觀也
故葉緣繫太史詩云山河泡影談何易
一見公羊涕不禁

翁潘大雅今銷歇江費風流並寂寥坐使
靜嘉騰寶氣人生快事讓君驕

陸氏醕宋樓十萬卷樓守先閣之書盡

歸岩崎氏靜嘉堂文庫日本藏書向闕
史集部今驟得此宜彥楨併為人世大
快事

疏艸重尋一涕洟藏書初願總參差雷塘
弟子思前夢親見虛懷討論時
長沙張文達師擬奏設圖書館疏稿已
具事不果行師於今春二月薨於位回
憶便坐雅譚光景在目不覺涕淚之何

從也

調停頭白范純仁俯仰千秋獨愴神有客
為書曾乞命湘濱宿艸已三春
首用廣雅相國詩句光緒癸卯年相國
在京湘鄉李亦元刑部名希聖曾進建
館藏書之議相國有意提倡會以出京
中止而亦元不久下世嗣無議及此事
者

巴陵方與歸安陸一樣書林厄運過雁影
齋空題跋在流傳精槧已無多

亦元遺著有雁影齋題跋所見多巴陵
方氏藏書庚子後大半散失

海外琳瑯亞漢京客探祕笈品題精微聞
東士傳新語翻案來朝畏後生

客秋九月二十八日在日本東京偕仲
弢子培兩提學至鞠町御料理地宮內

省所轄之圖書寮觀內府藏書典守者
羅列精本請定甲乙意殊誠懇培老謂
東游以來惟茲事差強人意仲老戲曰
君勿憂防島田明日翻案

歐化東行漢籍摧書生有志力能回竹添
餘論篁村教家學師承造此才

彥楨所師為竹添君名光鴻字井井著
有左傳會箋論語會箋棧雲峽雨日記

其尊人篁村先生名重禮學兼漢宋平
生無他嗜好但愛書籍藏弄二萬餘卷
見鹽谷時敏所作篁村島田先生墓碑
銘

未窺舊籍設新理不讀西書恃譯編亞繫
歐鉛同一映千元百宋更懵然

侯官嚴幾道先生每教人以瀏覽古書
熟精西文為研究新學之根柢客冬晤

先生於上海語及近年國文之寢衰科
學之無實太息不已時先生新從京師
襄校歸

三島於今有百山海濤東去待西還愁聞
白髮談天寶望贖文姬返漢關
如海王城大隱深遺經獨抱幾沈吟白雲
蒼狗看無定難遣牆東避世心

陋室樓藏書源流攷

道光之末海上郁萬枝松年善搜羅典籍
獲其郡先輩山塘汪閬源士鐘抗芸書舍
所收吳縣黃堯圃丕烈士禮居及長洲周
仲漣錫瓚水月亭吳縣袁又愷廷禱五研
廬元和顧抱冲之達小讀書堆之歲更以
兼金購書於儀徵鹽商家又稍討致錢受
之曹秋岳舊弄諸老既稱東南之甲而萬

枝梯航訪求窮老盡氣叢書之親鈔暴書
之手校不惜重貲以羅置鄴架用是江浙
數百里之間簡籍不脛而走雜然入滬瀆
矣先是自明季劉子威僉事厓載閣錢叔
寶處士父子懸罄室楊五川副使七檜山
房趙汝師少宰二世脈望館四家書歸於
虞山絳雲之藏一傳為述古汲古為延令
傳是再傳為怡府明善明氏穴研匯為黃

氏士禮居為汪氏菰書舍又再傳為聊
城楊氏海源閣常熟瞿氏鐵琴銅劍樓及
郁氏宜稼堂流為仁和朱氏結一廬湘潭
袁氏卧雪廬吳縣潘氏滂憲齋常熟翁氏
寶瓠齋而溯流窮源數典尊祖則諸藩秦
晉蜀趙周甯陂上之西亭豫章之蠻儀家
藏與天府埒而通經學古之士崛起白屋
抱殘守缺者後先相望淡生世學雄長於

會稽小草紅雨世善風動於閩嶠南中則
抱甕千頃吳興則白華玩易吳中則辛夷
昌安茶竹真賞之精洗得月小宛之醇正
各據壇坫卓犖一方康熙乾嘉流澤益衍
浙東西有靜惕潛采雲在道古小山振綺
餅花開萬壽松知不足拜經向山螭隱漢
晉漢唐文瑞吳會有樸學紅豆桂宦小玲
瓏來雨陶廬滋蘭稽瑞愛日河北則有沽

水梧門萬卷笥河寶蘇南澗卿雲輪囷芸
籤縹帶足以與絳雲延令傳是士禮掩前
絕後之藏相發明而馮空居廬抱經錢潛
擘笈經韻孫平津阮擘經顧思適諸君得
因以校勘異同裨補經術然後天下知校
勘之果足以繼往開來然後知藏書之與
骨董果兩途也予故曰校勘家當尸祝馮
盧錢段孫阮顧藏書之家當以錢受之黃

莧圃暨萬枝為其世適而瞽宗之祭亦當
以三君為樂祖矣同治初元宜稼之書散
出其宋元舊槧名校精鈔大半先為豐順
丁禹生中丞日昌于觀察蘇松太時豪奪
去歸於持靜齋禹生身後謗譽參半陸心
訪至郁氏閱書自取架上宋元刊本五十
餘種令材官騎士擔負而趨時泰峰已故
諸孫尚幼率其孀婦追及於門為生不能
奪取其卷帙而去後經應敏齋調停以宋
世絲堂韓文程大昌禹貢論九朝編年毛

詩要義儀禮要義金刊地理新書等十種
為贈餘仍返璧余後竟以地理新書等
蔣香生注郁氏書目頗不相同但云郁氏
家人不欲零售心源時在閩得其自閩歸
詩要義等精槧既為禹生所得故大嘆之
而俞蔭甫所說亦略相同予聞禹生開府
江蘇精明慈惠御吏嚴而愛民如子吳民
至令德之蓋強奪則或有之未如其源特
甚也而心源猶曲成之友知其源後世
因宋元本數種而起何傷於好又欺後
適成其為市道之薄禮要東都事略東
從郁氏所購去尚有禮要義禮記集說
景祐本漢書兩會要都事略東都事略
取輿地通鑑等皆宋槧本說文經傳通
舊鈔本述古舊藏說文解字斟詮顧重
又心源云金刊地理新書案是所謂金刊

圖解校正地理新書者實為元刻凡所稱
曰金刊大抵為元刻如錢塘何夢華為
阜孔氏壻區贈中孔氏祖庭廣記傳以
為金刊予刻海虞瞿氏鐵琴銅樓親檢
之乃為元刻心源張宗樓金刊清涼傳係
明洪武丙子翻雕張子集和醫書是元末印
本其刻若史記若金刊中州集若平水韻略
多以其元刻為金刊大定本尤多間有
正大有江蘇候補道洪觀察者多購獲
之本又為獨山莫子偲友芝所借失者亦不
之甚年蔣香生太守鳳藻宜稼堂書目注云前
補註顧緝翁奉差赴直隸在某官處見之
借鈔一本進京迺有傳本其志手稿

則不家詢下諸申之尚有前後漢手稿聞在馮
景翁家詢下諸申之尚有前後漢手稿聞在馮
年景翁家詢下諸申之尚有前後漢手稿聞在馮
稿本送以郁氏校刊行之計豈意沈氏諸書當
紅頭之亂因未刊行而書終不還嗣聞有
友芝向其借書因向果而書終不還嗣聞有
等語余以其借書因向果而書終不還嗣聞有
蓋惟余後漢疏證赴江詢之及水經注所疏
馮氏也今又借閱殘本及水經注所疏亦在
而證也今又借閱殘本及水經注所疏亦在
疏證也今又借閱殘本及水經注所疏亦在
芝借去二本今香生云此景沈欽韓手稿莫友
漢書古今人本表疏證二本香生云此景沈
二本水經注疏證二本香生云此景沈欽韓
韓手稿莫友芝借去二本今香生云此景沈
補註二稿本莫友芝借去二本今香生云此景

緝庭觀察在直隸友人處見之借鈔行世
余已校刊矣蘇文忠公補注一本香生云
此亦沈欽本韓手稿已歸余處校刊矣范石
湖集注一本王荆公詩文集注二本香生
云亦沈欽韓手稿莫友芝借去其餘大部
本前漢元本韻會舉要等二十餘部皆
同治元年八月初十而其餘精帙俱歸於
日莫子偲所借去者
歸安陸剛甫心源有心源已獲郁氏書富
於藏儲方是時受喪亂後藏書之家不能
守大江南北數百年沈薤於瑤臺牛篋者
一時俱出而心源時備兵南韶次權總閩

蹉饒於財於是網羅墜簡搜抉緹帙書賈
奔赴捆載無虛日上自茗溪嚴氏芳棠堂
烏鎮劉氏瞑琴山館福州陳氏帶經堂鄰
之書大半為周季既蔣香生下迄歸安韓
所獲周書散出心源多得之
子蘧江都范石湖熙名筌康人黃堯圃仁和平
甫季言二勞長洲周謝盒名世敬香嚴子歸安楊
秋室德清許周生歸安丁兆慶烏鎮溫鐵
華及元錢塘陳彥高等有一無二手稿草

本從飄零之後撫拾之盡充插架以資著
作素標緗帙部居類彙遂為江南之望矣
予之歷游江南河北也舟車所接皆藉書
卷為淹滯而旋聚旋散鮮有傳至二三世
者就予所見唐棲朱修伯侍郎之散吾友
江建霞太史得大金集禮濟南集皆舊鈔
本吳門蔣香生太守之散於吳興泠攤買
得宜稼堂書目原單有香生詳注廬陵文

芸閣學士之散於友人處見永樂大典錄
出本夫物聚於所好聚散之速莫書卷甚
焉荀子孫之不悅學舉先世之縮衣節食
所購置者以致蕩為荒煙野草而前哲撰
著未付棗梨僅存於蠟車障壁者鄙夫或
為襲取攘竊凌仲子元遺山年譜翁正三
署名矣戴東原直隸河渠書王履泰攘為
己有矣予於百宋樓讀堯圃復翁所見古

書錄謝盒羣書綴拾等書又從錢塘丁脩
甫孝廉八千卷樓借勞丁諸家遺著且聞
脩甫所說每誦而悲之嗚呼士窮年累歲
敷椎句稽或饑寒之不虞竭畢世於敝紙
渝墨之間以致編簡者迨其後也非論秤
而盡則不過供他人竊假而其志之所存
世亦無有知之者豈不可重為歎歎痛歎
耶乙巳丙午之交予因江南之游始破例

數登陸氏百宋樓悉發其藏讀之太息塵
封之餘繼以狼藉舉凡異日之部居類彙
者用以飽蠹魚又歎我邦藏書家未有能
及之者顧使此書在我邦其補益文獻非
鮮少遂慙慙其子純伯觀察樹藩必欲致
之於我邦而樹藩居奇需值甚昂始號五
十萬兩次稱三十五萬圓後稍減退至二
十五萬圓時丙午正月十八日事也二月

返棹歸而謀諸田中青山先生不成先生
曰能任之者獨有岩崎氏耳余將言之而
予亦請諸重野成齋先生今茲丁未三月
成齋先生有西歐之行與樹藩會滬上四
月遂訂議為十萬圓五月初二日吾友寺
田望南赴申浦越六月陸氏百宋樓十萬
卷樓守先閣之書舶載盡歸於岩崎氏靜
嘉堂文庫心源字剛甫號存齋浙江歸安

人讀亭林遺書喜之以儀顧顏其堂凡得
書十五萬卷就月河街居分樓上構書室
為百宋樓十萬卷樓百宋樓儲宋元舊槧
十萬卷樓收明後秘刻名人手校手鈔及
近儒著述別於潛園中建守先閣藏尋常
刻本間及鈔本之無異者比予至吳興已
紛亂不可判惟其可知者守先閣本卷首
皆捺守先閣奏記圖章而二樓所收則無

蓋由光緒八年壬午奏咨立案以守先閣
所儲歸之於公也然守先所儲異書無幾
僅有漢後書等數種今不奏記二樓舊刻
舊鈔而奏記守先尋常鈔刻欲以垂遠其
故殆不可解豈非欲以此為市道邪烏戌
李少青宗蓮序百宋樓藏書志云宗元刊
及名人手鈔手校者儲之百宋樓中若守
先閣則皆明以後刊及尋常鈔帙是宗蓮

就心源未構十萬卷樓以前而言已分為
二書亦隨之判矣予至吳興親檢之百宋
樓中有初有學集有鈔本開國群雄事略
十萬卷樓中有明文海有明仿宋大戴禮
舊題元刻說苑守先閣中有宜稼舊藏稿
本漢後書後樹藩以心源手鈔書目原單
示亦然依是而觀又何有統紀哉且百宋
十萬雖分為二實分一室為二樓云閣云

皆假名誇人之具有十室斯可付十名也而樹藩贈予以百宋樓藏書志稿本其書尚作守先閣藏書志乃知百宋十萬皆係心源四十五以後所名也宗蓮序又舉五長云范氏所藏本之豐學士萬卷樓承平時舉而有之猶易若百宋則掇拾于兵火幸存搜羅于蟬斷矣朽精粗既別難易懸殊皆取比於四明范氏天一閣抑亦非其

倫蓋紫清之傳發之於元祐中清敏尚書傳至人翁倍有加人翁晚得心疾潦倒於書淫墨癖之中凡宋槧與寫本為門生輩竊去者幾十之六又遭大火所存無幾堯卿侍郎先時從人翁鈔書至是購其幸存之餘又稍從王元美小百館互鈔以增益之是以甬上之藏鈔本為多而黃太沖徐健菴萬季野及阮伯元之倫皆就閣中鈔

書而一時好事者皆爭倣效乾隆中四庫館開多徵佚書於天一與大典文淵文溯文源文津及文匯文宗文瀾七閣之成取範於茲甬上之惠被學術豈可計量哉方司馬鈔書銳意搜羅假借繕寫刊編齧簡盡供參攷而心源則捆載書於郁氏當時所購去今案其目總四萬八千餘冊三千二百元况喪亂之餘世家巨室之藏星散

雲飛等於廢紙而心源舉羣有廉獲之若元本玉海直五十元汴刻唐書直三十二元天水蒙古且然餘可知矣其難易輕重果何如也且書以佚為貴有異同次之心源所得宋元二刻其佚者多有仿雕或名人已為之點定而天一則不然其鈔本之富正所以多異書而宗蓮以其宗刊不過十數種元刻僅百餘種詆之適見其無識

耳心源百宋樓所收長編鉅冊所稱曰明
宋耿秉本史記殘蜀大字本漢書及後漢
書宋一經堂本後漢書咸平單吳志及三
國志淳祐湖州大字本通鑑紀事本末宋
八本歐公本讀史管見宋大字本諸臣奏議
宋本益公大全宋都刻小蓄外集宋開禧
鑑蜀大字本蘇文粹又若劉炳本宋朝文
路本玉海東京夢華錄元統二至元慶元
本歸田類稿至治嘉興學本秋澗先生集大
全集元四十三卷足本金華黃先生集元
西湖初刊本國朝文類等類皆郁氏舊物
載在宜稼堂書目者其他宋元刻名人手
校手鈔而心源一從宜稼堂所購去者四萬
八千七百九十冊是心源百宋之書大

半出於嘉慶中黃蕘圃得宋本百餘種顧
郁氏南雅學士顏其室曰百宋一廬海昌吳槎
客明經以千元十架相與犄角而絳雲延
令菰芸收宋本各不下三四百種原百宋
所以名樓謂儲宋本二百種今合併原目
所載分析一書為數種以充二百種十三
經注疏七書玉海附刻百川學海之類以
檢其宋元本實不過宋本百十部元本百

五十五部約四千餘冊而更嚴汰其假宗
版仿本修本當減其三之一宗蓮序藏書
志俞蔭甫作心源墓志銘云所得宗本二
百餘種元本四百餘種者夸甚矣夫宗蓮
委巷小生不足論獨怪蔭甫一代名儒乃
為此譎張之言蓋蔭甫據陸家所述而言
當非故為夸言也會國子監徵求書籍心
源進舊鈔舊刻百五十種共二千四百餘

卷二子皆依此獲國子監學正銜二十年
十一月沒年六十一心源著書九百四十
餘卷名曰潛園總集其間言及校勘者有
百宋樓藏書志并續羣書校補儀顧堂題
跋并續及儀顧堂文集校補藏書志為其
客李宗蓮所撰題跋文集亦多有藍本且
失攷不一而足姑舉其一二萬寶詩山是
明宣德四年書林葉景遠刻本莆陽余性

初作之序絳雲延令並為宋本宜稼亦注
云宋版莫子偲著經眼錄以為宋巾箱本
心源於儀顧堂續跋云戊與酉不相值非
戊戌即己酉之譌蓋理宗淳祐末年麻沙
刊本不知余性初是何代人其所空缺即
宣德四年四字不免為書賈所愚而著雍
作噩即當是屠維作噩偶然筆誤凡覽舊
刻舊鈔宜宿具神悟遇輒能名不當拘拘

乎玄黃也昔明張天如家有文淵著錄宋
足本御覽分授二女作嫁裝各得五百卷
乾隆中朱氏滋蘭堂合二本獲之僅有三
百六十六卷嘉慶甲子堯翁從周氏水月
亭購之喜曰朞三百有六旬有六日蓋天
三百六十五度可備學者一日一卷之讀
以宋紙貼表後折閱售之菰芸書舍汪書
雲飛同治丁卯俞蔭甫樾介紹歸於心源

又佚其十五卷平湖錢夢廬藏殘宋本其
脫出於茲乎然題云小字本或與靜嘉之
竹添後藤二家宋本相同歟蓋此書與祕
府之書同為慶元刻本而心源不言其淵
源所自以蔽其迹且云刊印當在仁宗時
妄甚矣其他宋槧山谷黃先生大全詩注
實即我邦舊刊覆宋小字本元槧說苑此
朝鮮覆明本凡如此類不可勝述總而論

之其可寶重者若宋本續儀禮經傳通解
楊信齋修定本與今行張本呂氏重刊張
本不相同汴刻說文解字平津祖本字畫
謹嚴饒具顏柳筆意紙則硬皺黃潤似高
麗繭紙審諦之更不類當是永豐棉紙矣
宋會本十三經注疏二部一足本一殘本
一通則易題曰兼義九卷畧例一卷附陸
氏釋文一卷書二十卷詩二十卷周禮四

十二卷禮記六十三卷左傳六十卷公羊
二十八卷穀梁二十卷則割裂釋文分附
經注各下題曰附釋音論語二十卷孟子
十四卷孝經九卷不附釋音以上皆半頁
十行唯儀禮則五十卷半頁八行爾雅十
一卷九行經凡十三宗嘉定庚辰同時刷
印於建安一通則款格長短皆同於前本
同版異刷獨缺爾雅儀禮儀禮以單經本

及楊復儀禮圖補之比前本刷印頗後其
在咸淳之際乎此書之版一歸元又入明
明初尚存於福州府學後入南雍而大德
延祐至治泰定元統正德遞有補修所謂
正德十行本之祖本也案此書刺時非一
後湊合同刷而儀禮五十卷則南雍志所
謂儀禮注疏五十卷舊版壞失止殘版五
面者殆指此蓋注疏會本其始皆以注附

疏分卷即依疏之卷第其後以疏附注其
分卷則用經注之卷第又或有妄意分合
者故祕府論語注疏十卷而此本既改二
十卷三山黃刻禮記注疏七十卷而通行
本六十三卷沈中賓左傳注疏三十六卷
而此則六十卷此儀禮注疏五十卷而宋
末已有十七卷本陳氏刊本意者注疏五
十卷本宋末殘缺遂甚於是取單經本

及楊圖補之者有取注疏十七卷本補之
者今存宋會本之於楊圖與注疏十七卷
本有出入其由此而元修明補十行本即
以楊圖補本為藍本南雍志云新刊儀禮
注疏十七卷共計八百六十面完又云十
三經注疏刻於閩者獨缺儀禮以楊復圖
說補之嘉靖五年巡撫都御史陳鳳梧刻
於山東以板送監蓋宋末注疏五十卷本

歸殘缺注疏十七卷本又佚明初所存僅
有楊圖補缺之版而仁和邵位西懿辰四
庫簡明目版本疏遂云儀禮注疏會本始
於明陳鳳梧新刊送到南雍本獨有十七
卷本而嘉靖中聞人詮汪希周李元陽三
刻祖於茲以梅鷺之賢不知宋嘉定閩中
已有五十卷會本宋末又有十七卷會本
亦不思之甚也今五十卷本釐然具存汪

刻景德單疏所缺六卷依此書及魏鶴山
要義一一可取以補全孤文隻義賴以不
泯其為功於菴林者鉅矣宋本白氏六帖
類集版心有帖一至帖十二等字證以祕
府高麗仿汴刻杜氏通典及海虞瞿氏鐵
琴銅劍樓北宋本史記俱分四十三冊三
十冊其為北宋本確矣元刻金華黃先生
集四十三卷是潛集足本天壤更無二本

矣其他足本孤本所在皆是其卷帙少者
叢刻發行多異同者載在羣書校補而其
尤希覲者在四庫存目本及道藏與明季
野史所謂存目本者案存目所營求有刻
本有鈔本除永樂大典及他九百餘種外
皆有之蓋四庫之書文淵文溯文津文瀾
丁氏善本書室完全無恙而存目所舉卒
不可得也書凡四千部為卷二十萬有奇

為冊四萬四千餘蓋海外藏書之家稱四
大家近又加五聊城楊氏錢塘丁氏常熟
瞿氏歸安陸氏宗室盛氏德州徐氏武進
董氏湘潭袁氏常熟翁氏是也今茗上燐
矣罟里亦求售矣吾在滬上時有姚文莊
者瞿良士之姻戚也數
求售蔭而松生明府至堂河帥伯熙祭酒
之遺藏儼然如故也叔平尚書漱六太守
所積充牣幾埒四家今皆無尺蹠片紙矣

而梧生監丞授經比部之書日積月累益
致多也除此則湘淮閩粵之間士大夫所
藏可知也仁和王柳門侍郎長沙葉煥彬
部郎江陰繆筱珊太史山陰徐
氏古越藏書樓及元和江靜嘉舊藏幾十
建霞太史遺藏亦不歎
萬冊合之今所獲陸氏之書共十五萬冊
連茵接屋如訪酉陽之逸典如發委宛之
遺文如紬金匱石室之藏如探天祿蘭臺
之祕足以與丁楊二家之書徐董盛三氏

之籍列為三統何其盛也我足利之藏古
稱之石室然以予見之易書詩春秋之單
疏世固存也宋注疏會本無論矣禮之單
疏新出而復翁古書錄亦竝著錄宋注疏
七十卷本無論矣七十卷會本成於山陰
六十三卷會本成於閩
中觀分卷次第可以至文選更為完全贛
知閩越刻書高下
州明州貴池裴宅伯顏及崇賢原帙五季
集注碁布人間確有淵源其可信較宋末

陋版何如也易書之舊鈔尚書皇疏之異
體成鈔於室町末造皆以宋元二刻為底
本無一卷一部出於隋唐遺卷者而卷子
之舊帙古博士之經進本猶不存乎其可
信較宋元傳鈔又何如也嗟乎野庠之珠
盤已墜邾莒不朝秋水盡而寒潭露方之
江浙間零星捃摭者已蔑如矣此可謂之
石室之秘乎偃然欲以行遠難矣百年以

來屈指海內以藏書名者草月留蠹求古
青歸懷僊賜廬之流進獻折閱零落殆盡
先君雙桂吾師井屋新古相半東西數千
里免於疑論者惟祕府之書森森瑯環芸
香日耀誠間世之靈光也嘗論以為在我
則鈔本貴矣貴其出於隋唐者也在彼則
宋元本貴矣貴其實襲猶新也次之者為
名人手校手校之精者有直駕宋元本而

上之而祕府僅傳馮校張說之集餘無所
見且我邦所傳舊本自以海外異經部尚
為完全子部卻多善本而其所缺落在史
部尤在集部宋元遺集蓋古專門名經重
在經術鎌倉室町舉文字付之浮屠氏經
子多於史集亦所不免也若以皇國出於
隋唐之鈔本加以海外宋元舊槧名鈔
名校及我邦所缺史集二部然後藏書之

能事始畢而吾平生之素望盡於此何意
當我世而見之不亦人世之大快事乎昔
遵義黎莼齋駐節我邦與宜都楊君惺吾
購求古本一時為之都市一空數窮必復
陸氏之書雖缺其四庫附存本道藏及明
季野乘不無遺憾而予知今之所獲倍蓰
於昔日所失也然則此舉也雖曰於國有
光可矣丁未六月東京島田翰撰



